

JASKATAX UCAYALIAIN ITI SHINAN TSINKIKANA 2023-2033

JAWESKATAXMEIN ORICHA
NON IKATONINBIRIBI ITIKI
IXON SHINANKANA
**İRAMA ITAN 2033 KAMAN
SHINANKANA!**



PEOKIN ONANTI

Jaskatax aniti shinan tsinkikana (PDRC) ja riki noa jaki chipotanan itan non maiki yoyo iti kopi akana, jaskari-bi akin nato nete non jakoma akaitian jawekeskaxon-ki non koirantiki itan noa koirameti kopi yoi ika, jatibi non tee akaibo shinan, noa jaskatax aniti kopi; jaskaxon koriki keyoyamakin jakon tee anoxon, non jemabo kenai jawekibo jayati itan non shinanai jawekibo oribo seneanti kopi.

Nato artículo 6° nato koshi joi seneanti Gobiernos Regionales ikain yoiyai, jaskatax non región aniti kopira non shinanshamanxon itan ja seneantibo oinbainxon, ja riki jaskaxon koriki biti itan jato akinti shinan akana ja jonibo akinti, non axebo jeneyamati kopi itan jaskaxon ja jiwibo koirantiribi shinanbo tsinkixon akana, jabora seneni kai planesbo axon, programas itan proyectobo korikiati shinantan anoxon jawekeska meranki jakana itan jaonoboki jakana ixon ointanan; senen rabe ainbo itan benbo akinti kopi.

Nato teebo anoxon Jaskatax aniti shinan tsinkikana 2023-2033 non departamento Ucayali ikain jatibi non shinan tsinkixon non ake nato jaweki akin Consejo de Coordinación Regional itan nonra nato tee akai ixon shinanbainxon ja jainoa jakana jonibo betan jaton koshibo rekeantan. Jaskaxon jatibi jaton shinan bipatanboxon onanti kopi jaweboki kenkanai ixon


onannoxon ja natoti distrito ikainnoabo (chonka kan-chis) departamento Ucayaliain ikanabo; nato atinko, ja pandemia COVID-19 joxon non akasai jawekibo noa jakoma atoshike, jaskara meranbi nato cooperación técnica internacional itan nato organismo rector del Sistema Nacional de Planeamiento Estratégico del país noa koshiakanke, noa menikanke jakoankin shinanbainxon esebobo wishakana oinxon jaskaxon jaweki atibo nato Jaskatax Aniti Shinan Tsinkikana atinko, nato shinanbo kirika meran jen akana nato Resolución de Presidencia de Consejo Directivo N° 028-2021/CEPLAN/PCD meran.

Nato riki shinan akana jatixonbi tsinkixon, jaskari-bi akin nato shinan riki tsinkikana ani koshibo betan axon itan meskokeska neno ika jonibo betan, jaskara shinan koshiaxon non departamento amazónico animati kopi.

MANUEL GAMBINI RUPAY
Gobernador Regional de Ucayali

Jaskara iti non shinanai non Perukan 2050 kaman

Neskarara shinanai non Perukan 2050 kaman iti, natora jen akana iki nato meran Foro del Acuerdo Nacional, itan jaskaribi akin nato meran ikanai Plan Estratégico de Desarrollo Nacional al 2050 ikain. Jaskara iti ja riki ja jatibi jonibaon shinan akana itan noa oinmai itan jaskatax jakoni jai bokanai non paisenko 2050 baritia kaman.



Jaskara ixon, nato departamento de Ucayalini jaskara iti shinanai jato onanmashokoai, jakonax itan jakonicha jonibo jakanti kopiribi nato departamento ikain, non aniakin shinana jawekibo non seneannoxon nato periodo 2023 - 2033 kaman, sokota shinanbo apatanboxon ja non seneanti kopi.

NON AKAI JAWEKI NON JENE-JENEBAINTE KOPI ITAN UCAYALIAIN IKA JONIBO JAKONTANI JANOXON

Jonibo jain jakana

- OER 1** | Jonibo jakonchabires jakanti kopi.
- OER 2** | Jakonchabires isinkonama jakanti.
- OER 3** | Jakonchabires axekanti.
- OER 4** | Jakonchabires noa ikainko jakanti.



Nii meran jaxon koiranti

- OER 5** | Basicha non niiboribi ointi kopi non koiranti.



Korikiati

- OER 6** | Teebo pikokin korikiati shinanbainxon.



6

JATI ICHA ANITI
SHINAN AKA
JAKI KOSHINOXON



Ani xobo ati itan wetsa jawekibaon akinti

OER 7 | Non internet jakoncha iti kopi non departamento ikain.



Jaskaxon jato akinti

OER 8 | Jakoncha jaskaxon jato akinti kopi.



Jakon shinan ati mai jakoma imatima kopi

OER 9 | Itimaibi noa ja meran onsataitian jaskatax koirameti onanti.

Nato teebo anoxon non merake meskokeska atikoma jawekibo, jaskara jawekibaon non atibi keska akin teebo noa amayamai itan oribo jonibo betan non teebo aabainkasabi non ishtonbires atipanyamai teebo chibankin; jaskarabo meratanan jakopi jaorato teeboki rekenpari non akai ixon non neno naman yoiyai.



Jati icha jonibo jain jakanabo



OER 1: Jonibo jakonchabires jakanti kopi.

- Non departamento de Ucayali ikain wetsa join yoyo ikaibo ayorakin omiskanai.
- Atibi keska akin jaton Derechobo jaton itinbiribi ikasainbi jato ninkamayamakanai.
- Ja jonibo onitsapitaibo (yosibo, bakebo itan isinyabo) jatoribi omiskanai.
- Bake ainbo itan benbobo jaton kirikayomabo.
- Aribakanai ja jonibo discapacidayabo omiskankin.
- Bakeranonbo itan xontakobo jaton axebo moa pekaori aki ikanai.
- Atibi keska akin ayamakanai jonibo jato jainko koirankankin.
- Jakoma jonibo ikanai mayati jaton mai ikemabi maroi.
- Ichama wairorobo jake.
- Mai jain banatikomabo.
- Non oinai ichaira ainbobo ramiakanai itan neskara winotai jaton kaibobo xaran ikaxbi.
- Jemankobo ichaira birisinko xeakanai.
- Jone jaweki axon koriki bikanai.
- Bakeranonbo jakoma jaweki aki jakanabo.

OER 2: Jakonchabires isinkonama jakanti.

- Itibi keska akin ayamakanai raonkin.
- Ichamaira raobo jatoiba nokotai.
- Ichama raomis jonibo kai jatoiba teeti.
- Wetsa jonibaon shinanyamakanai jakonax jakanti, shinan jakon itan wetsabo xaran ikax jakon iti.
- Icha jonibo jakanke chixo itan joinkastimai isiman ikanaibo.

OER 3: Jakonchabires axekanti.


- Bake benbo itan ainbobo jakoni axeyamakanai.
- Jaton axekanbiribi jato axe ayamakanai.
- Jaton kirika keyoamabo icha jake.
- Ainbo xontakobo ori akanai jatoribi senenbires akinti ikebi.

OER 4: Jakonchabires noa ikainko jakanti.

- Jatiribi ikanai jakon xoboma.
- Joeyomabo ikanai jaton xobonkobo.
- Onpaxyomabo ikanai itan jakomain jakanabo.



Jati icha nii meran yoinabo jakanabo koiranti



OER 5:
Basicha non
niiboribi ointi
kopi non koiranti.

- Nii meran ika jawekibo non jakomai itai koirayamakin.
- Ja non keras akaibo non jakon akin tsinkiyamai.
- Mesko cambio climático ikainbi jaweshaman ayamakanai.
- Jakoma niwebo mainkonixax jokonai itan jabaonribi non mai rami akai.
- Ichaira jawekibo non nii itan non paronko ikabo non moa keyobotanai.
- Ichaira non niibo keyokanai itan jaskatax moa jawebi banatima iki kai.



Jaskatax korikiati




OER 6:
Teebo pikokin
korikiati
shinanbainxon.


- Wainkonja jaweki banaibo, paronkonja yapabo itan jiwibo maroshanmayamakanai.
- Tsoabi non jeman joshanmayamai merati itan ja min aka jawekibaon mia maroyamai.
- Tsonbi ja paronkonja ika jaweki ikabo koiranyamai.
- Tsonbi min akai jaweki marono ixon mia yoyo ixonyamai.
- Tsoabi departamento de Ucayali ikain minerianin teeshamanyamai itan kirikaya ikaxmabi minerianin teekanai.
- Tsonbi jaskaxon teexon koriki biti ashanmayamai.

OER 6:
Teebo pikokin
korikiati
shinanbainxon.

- Non paro senenain ika maibo wishakanama jain ati kirikanin.
- Jakonshamankin natoboki koshiax iamakanai teeti ciencianin, tecnológianin itan innovación tecnológicanin.
- Wain itan pitinribi teeti namanshokoirabo.
- Tsoabi tsinkitax teeshamanyamai koriki ati jawekinin.
- Non departamento de Ucayali ikainxon tee akabo wetsa paronkobo bomati jawekibo ashanmayamai.
- Tsonbi mia yoyo ixonyamai min tee akai jakonshamani maroti kopi.



Jaskaxon jato jakanainko jato akintibo



OER 7:
Jakon akin jato
akinti kopi non
departamento
ikainko.

- Mia ika ochoma wetsa jemabaon kati bai jakoankin akanama.
- Jayaoma ikanai jain pataxnametax yoyo itibo, internet fijo, tv itan radiodifusión noa ika ocho jemankobo.



Jati icha shinan jaskaxon jato akintibo



OER 8: Jakom akini jato akinti kopi non departamento ikainko.

- Ichaira iorakanai koriki yometsoi non koshibo.
- Non koshibo non paranan yoyo ishamanyamai.
- Non koshibaon koiranyamakanai jakoma akin niibo itan maibo akanainbi.
- Jaweskaki jakana non kaibobo ixon oini boyamakanai ja koshi jonibo.



Jaskaxon jato akinti jakoma jawekibo winoketian



OER 9: Jakoma jaweki winonaketian koirameti

- Tsonbi mia jenen mapoketian itan niwanketian mia yoyo ixonyamai.
- Jenen mapoketian jainshaman kati onantima.
- Jakoma jaweki winoxon non axeti xobo itan raometi xobo rami akai.
- Cambio climático ikaitian non mai meskotaitian joniboribi mawabotanai.
- Onsa meran jakanaxbi iamakanai jato ikainkonix pikoti.



ISKON JAWEKIBO SENEN ATIBO

UCAYALIAINOA JONIBO JAKON IKANTI KOPI

Ja atikoma mesko jawekibo non mera (ja non moa jaskara imakashamai) ja teebopari non anoxon oinboanai, itan jaskaxon non oinke jaweki non atiki ixon jaskarabo senen ati kopi. Nato non akasaibo seneanti kopi non onana iti jake jatibi jaweki jaweskaxonki non ayamama non seneanki kai ja non nokokasai jawekibo ixon.

Jaskaxon jato akinti shinan jaskarain nokokasai aka iki nato baritiabo 2023, 2026 itan 2033 kaman, jaweboki non aka itan jaoranoki noa nokota ixon oinnoxon.

OER 1: JONIBO JAKON JAKANTI KOPI

Nato Paron Jato Akinti Shinan

Jaskaxon jato akinti joibo non koshiaboai.


Wetsa join yoyo ikaibo akinti shinanbo pikoboai.

Jonibo maxkayorabo jato akinti

Ocho ika jemamea jonibo akinti.



Jaskaxon jato jakon akin akintibo onanti.



¿Jaweskamein noa iki kai 2033 tian?

2033 baritian, pataxnametax yoyo iti jawekibo noa axonyonkanai jatianra non shinanai jawekibo non atiki ishtontani, onsamerainra noa jayamai, ja jakomai jakana jonibo moa ichaira moa yamai jatian natoti namana ikai **35.09%** itan ja jonibo ja jakomakanabo moa namanai natoti kaman **7.69%**. Non apon jaskara itima shinan meniabo jaskarabo jakoma jawekibo kaimatima kopibo iki kai natobo akankin cámaras de vigilancia, drones, karo itan non koshiakai nato comités de seguridad local itan regional. Jaskaribi, ochokea jemabo jato akinribi kai, **98.0%** kaman jonibo jato akinai isinkonyamakanti kopi.

OER 2: JAKONAX ISINKONAMA JATI

Nato Paron Jato Akinti Shinan

Isinnaketian noa esekana.

Bakenkaskimai jato mawanaketian jato yoiti.

Non bakebo jakoni aniti kopi jato yoiti.

Bakexbi tonaketian jato eseti.


Jaton shinanai jawekibo jakonti kopi.

Jemankobo isin mayatai namanti kopi.

Jonibo ja isinyabo pikotabo namanti kopi.



Apon aka seguro social icha joni wishakakana.



¿Jaweskamein noa iki kai 2033 tian?

2033 baritian, noa isinaitian noa itibi keska akin noa jakoankin atiendenkanai, non jakoankin akai oinxon wetsabaonribi noa mawai jaskara tee akaitian; tecnologiánin chipokainax, ochoxonbi kenaxon noa ishtontani atiendenkanti. Jaskara ixon, ja baketian isinyabo pikotabo namankanai ja maxkata oinxon implementankanabo ixon, jaskarara non jonibo jake ixon oinbainxon, neskara jawekibo axon benai itai jaskaxon raonmis jonibo jatoribi icha ikanti jakoankin jonibo jato akinti itan raoboribi ja isinaibo maxkamatima kopi, jaskatax bakeboribi nato pichika baritia namanbo jawekiayamai oshiai isinbo namanti kopi natoti **(10.0%)** kaman itan ja kimisha baritia seneankama bakebo ja isinman yatantima kopiribi natoti **(35.0%)** kaman, jaskaxon ja jonibo non axeakai jaskatax koirameti jaskara isinbo yatantima kopi.

OER 3: JAKONAX AXEKANTI

Nato Paron Jato Akinti Shinan

Jan axekanai jawekibo koshiati.

Jaskaxon Axeati shinan koshiati.

Jaton axekanbiribi jato Axeati.


Naman iti kopi ja kirika ayamai bakebo iki yoiya.

Bakeranonbo rama kirika keyoibo educación superior ikainbo jikikanti kopi.


Icha jonibo jaskaxon kirika ati shinan atinko tsinkikanti.



Bakebo cuarto grado de primaria akainbaon kirika yoyo axon jakoankin ninkati bokanai.



Bakebo cuarto grado de primaria akaibaon razonamiento matemático pontekin akin bokanai.



¿Jaweskamein noa iki kai 2033 tian?

2033 baritian, nato axeti jawekira koshiai tecnologías de la información itan comunicaci3nki. Jaskara ikax, ja axelai icha boyamapachoaibo moa namanpakea iki nato Educación Básica Regular nivel secundario ikain natotibicho iki rama **2.30%** kaman. Porcentaje ja axeti xobobo moa jakonbo iki natoti **62.20%** kaman itan ja moa yoyo ati onanyama icha ipachoaibo moa namana iki natoti **1.0%** kaman, jaskatax jakoni axelai ikanai jaa tee akanaibo aban jan tee seneankin ixon koirabainxon, especialistas de soporte pedag3gico akinai itan jakoanxon wetsa join axeakaibo ja join yoyo ikaixon jaton joinbiribi jato axeaka. Jaskara kopi noa aresai akinkin ja apon jaskaxon jato akinti mesko programa socialbo pikoatoninboribi noa akinai.

OER 4: JAKON AKIN JAIN JAKANABO AKINTI

Nato Paron Jato Akinti Shinan

Non jemamea jonibo onpaxyabo iti kopi.


Icha alcantarillado jatikaxbi jayakanti.

Non jemabo joeya iti kopi.

Non xobobo apon axonti kopi.



Icha jonibo jain nashiti itan poiti jayatabo.



¿Jaweskamein noa iki kai 2033 tian?

2033 baritian, jain jati xobobo jakoankana iki. Saneamiento akax jakoni jakanai, natoti nokotai **82.10%** kaman jonibo ikanai alcantarrilladoyabo. Moa ikanai onpaxyabo itan ireskanai jakoni teexon areskanai jato akinkin **96%** ja jonibo. Jonibaon xobotibi moa energía electricaya ikanai natoti kaman **92%**, jatian jatibi jonibo moa neskaraya ikanai.

OER 5: BASICHA NON NIIBORIBI OINTI KOPI NON KOIRANTI

Nato Paron Jato Akinti Shinan

Ja kerasbo jakon akin tsinkiti

Onpax moa akabo jakiribi jakoankin aribati.

Jaskaxon nii koiranti shinan koshiati.

Jiwibo xaterestima

Non nii jakoma areskanabo jakiribi jain banati aribati.


Jaskaxon non nii koiranti onanmati.

Non mainkonía aniai jawekibo jato onanmati.

Cambio climático ikainbi noa koirameti kopi.



Non aniatí jake shinan ja non nii meranoa jawekibo koiranti kopi.



¿Jaweskamein noa iki kai 2033 tian?

2033 baritian, cambio climático ikainbi noa jakomayamai itan niibo koiranxon koriki shinanxon biai; municipalidabaon oinai jakoanxon koriki ja niibo koriki jikiaibo itan jonibo moa shinamekanai jato jainkobo koiranti. Natoti kaman kaitai **27.50%** ja onpax moa akabo jakiribi jakoankin aribati itan ja senenribi ikai **85%** Ja kerasbo jakon akin tsinkiti. Jaskaribi, natoti kaman kaitai **2.85%** niibo icha, Jiwi banakana kopi.

OER 6: TEEBO PIKOKIN KORIKIATI SHINANBAINXON

Nato Paron Jato Akinti Shinan

Noa Jiwibo maroai.

Non akai jawekibo noa jakoni maroi kai.

Meskoka tee axon koriki biti.

Turismonin teetaibo noa koshiai.


Wetsa ocho jemankobo non jawekibo marokin non moa onanai.

Marca Ucayali mercado nacional e internacional ikain onankana ikai.

Jaono inonbires non akai jawekibo non maroti atipanke.



Ichai kai ja tasa de variación del Valor Agregado Bruto jan noa teetai jawekibaon.



¿Jaweskamein noa iki kai 2033 tian?

2033 baritian, itibi keskati jaton jawekibo maroai bokañai moa jaton kirikaya ikax itan ja jonibaon nato mai jakoma akanibo moa jakiribi ja main teeti bokañai; departamento de Ucayali ikainxon non jawekiboribi non jakoankin maroi kai wetsankobo, jaskati teeti icha tee jai kai (ja riki ja non wai itan banai jawekibo yoi ika) jakonax teeti; empresabo moa jaton kirikaya rakeyamai joneyamai jan teeti bokañai; apobo betan teetaibo westiora jemankobobicho iamai bokañai, wairorobaon jainxon koirantibo ocho jema ikainbo jai kai; wetsa institucionbobetanribi noa teeti kai, jai kai icha parques industriales akanai itan ochoma jema ikaxbi jan nokoti ochomabo jan katibo jai kai; non jawekiboribi non kopichaboribi non maroti atipanke itan jaskaribi wetsa ocho jemankobo non marokin bomati atipanke.

OER 7: JAKON CARRETERABO ITI KOPI NON DEPARTAMENTO IKAINKO

Nato Paron Jato Akinti Shinan

Non red vial jakoncha ikai departamento ikain.

Ichai kai ja servicio de telecomunicaciones.

Jakoncha ikai conectividad aeroportuaria, fluvial itan lacustre ja non departamento ikain.



Non tee akaibo wetsabo winobaina.



¿Jaweskamein noa iki kai 2033 tian?

2033 baritian, ja Jakon carreterabo iti kopi non mainko iresai jakoni nato Plan Vial Departamental aka chibani seneankin, jabaon noa akini kai jaskaxon non tee ati shinanabo ja proyectos de vías non región ikain seneankin, jakoankin akanaribi iki kai ja infraestructurabo itan ja onsa ikaitianbo jain koshiaki bokanai; icha zonaboribi pavimentadobo natoti **15%**. Ja internet yoi, pandemia COVID-19 winota pekao non oina iki koshiati ja soporte de servicios jato axeati (internet ikainko), icha xobonkobo non ointi atipanke internetyabo natoti **(73.8%)** natora ichai kai presupuesto proyectos de inversionbo, aki bokanai antenabo itan mantenimiento de antenas satelitales rurales aki bokanai.

OER 8: JAKON AKIN JATO AKINTI KOPI NON DEPARTAMENTO IKAINKO

Nato Paron Jato Akinti Shinan

Jaskarain tee atibo mai toponti.

Koshibaon jakoankin koriki ati.

Non mai tee atinko ja shinan aki.



Ichai jonibo yoyo ikanai jaskatax jaton jati ikainko jakon jati.



¿Jaweskamein noa iki kai 2033 tian?

2033 baritian, ichaira apobobetan teetaibo yometsokanai oinax itan jaskatax moa ikoanyamakanai ja poderes del Estadobo jaskarabo oinax, akana iki shinankin jatibi jishti ati itan koshi ixon jato jakoankin teekinti, akana iki jaskatax jonibo abakan ninkakin ixon nato xababo ikain aban jabaonribi jato shinamakankin akin jaton localidad itan regionbo ikain. Implementankanai itan promocionankanai internet ikainko jaskaxon abakan onankin ixon jaweti korikiki moa keyokana ixon jato yoiti kopi, jaskatax koshikanti kopi natoti **91.21%** kaman.

OER 9: JASKAXON JATO AKINTI JAKOMA JAWEKIBO WINOKETIAN

Nato Paron Jato Akinti Shinan

Jaweki non atiki ixon onanti ja jene beaitian itan niwanaitian.

Jonibo atibi akin jato akinkin.

Jakonchabo akin ja edificacionbo prestadoras de servicios públicos akanai.


Jakon aribati jakoma winoketian.

Mai jakoma akin temanoxon bikanabo jaska akai oinxon jato bichinribati.

Jakoma akin mai bixon akanaketian koirankin.



Emergenciabo moa yamatanibo iki kai.



¿Jaweskamein noa iki kai 2033 tian?

2033 baritian, Ja desastresbo ikainbi non ayamai jakoma akin, jakoankin tsinkixon teebo akai kopi público-privadas ikain ja mai ibo ixonmabi jato bichinai iki yoi ika, tee atibo público-privados xobo jato axontibo, ja niwanaitian iamax ja jenen mapoatianbo jato jain imati kopi, jato onpax itan, desagüe iamax electricidad ayamai bokanai onsa jain winotai oinxon, ja teebo ati Planes de Desarrollo Urbano Gestión del Riesgo de Desastreski mepixon atibo, iki kai namani natoti **23.01%** xobobo moa jenen mapoaibo moa yamatani ikai. Jaskara ikax, maibo itibi keskati jain jakonax teeti bokanai; jaskaribi, kaitai natoti **76%** municipalidabaon jato capacitani bokanai jaskaxon jato jaskatax onsameran ikax jaweboki jaton akantiki ixon jato onanmanoxon.



Foto: news.mongabay.com



GOBIERNO REGIONAL DE
UCAYALI

www.gob.pe/regionucayali